

panapten

o memehakey rana do pongso am, sira ori a ya mikekjit so asa so  
koyoen a cininon. o kekxit no mehakey am nimapo do inapo namen nokakoa  
a na ka to ngaian siciaikoa ya, namen amoamoonen do pongso ya.

no mian so nivatkan a cinedkeran a mapabosbos, tojia mimin o  
mehakey do ili a miapanapten so asa so koyoen a mapatotolaw, ta asa so  
koyoen am ngongyod a iniangana no mehakey a kekxit da. do  
pampamarangan so kanen babahan so vayo a kekxit. o adan am pikekxit no  
toda kararow, o milakayob am kekxit no maciangangey do kanitoan. ori  
ipitarek no ipikekxit so vayo aka no adan a panapten.

no macinanao o mavakes do cinon am, asa so koyoen o neymanoma na  
pacinanaaoan da, so na ikaro rana no mamavakes a ya mateneng rana a  
tominon do asa so koyoen.

o kekxit no mehakey do pongso am asa so koyoen, mikasa ori a anaro a  
nicinon no mavakes a panapten da no mehakey. no mikekxit o mehakey am  
yapoen da do pesed a kapacilamon da sia do likod no kawakan, palivonen  
do pesed a patopigan so kananman no kekxit, o kanaroan no panapten am  
picingnen da do tatadan da.

o kanaronaro no kekxit no mehakey am asa ka adpa aka no asa rangan.  
o papoan sia aka no kavosan na no asa so koyoen o pangayan so asa rangan  
so kanaronaro a mowgarow a vaed na. so ikamimin na mikasa malavang a  
ito o ipimatoy a ji aktebi. nokakoa am ipangagaz da do takey o aramey a  
moaen, sirasiraen da cinonen, siciaikoa ya rana am, sia na ji mimoa ta ya na  
amian so pananazangan so ito.

do ipamarang so kanen o apan so vayo a nicinon a kekxit no mehakey,  
akma no mian so mapabosbos do cinedkeran aka no pamaringan so kanen o  
vayo a vaey aka no mivanoa aka no apia vean aka no mangilili... o baban so  
iniangana a pipanapten.

toda kararow am, o apia pa nicinon a kekjid no mahakey am, o  
pikekxit da.

panapten do ipivazey aka no mangahahap do kalilian aka no mamiroa  
do niakawan... am, to sia mikekxit so milakayob, ori o kekxit no Tao do  
pongso.

## 丁字褲

達悟族男性是唯一穿著丁字褲的民族。

丁字褲是達悟族所特有的文化，從祖先到現在代代相傳的服飾。

逢大船下水節慶，男性老少一定要穿丁字褲拋船，因丁字褲是達悟族的傳統禮服之一。通常較新的在節慶時穿；比較舊的在平日穿，一般布料在參加喪禮時穿。因此，穿著不同丁字褲的場合不同。

丁字褲是初學織布時學習傳統織法的基礎，因此，多數的女性都會織丁字褲。

丁字褲是一條手織的長布條，由前肚臍下遮住男性重要部位，再由胯下後繞至前臍下固定前端，最後在後股溝處結節固定。是達悟族獨特之男性褲子。

一條丁字褲長約六尺半，寬約一個大姆指至中指長。

除兩端織上藍色花紋外，其餘是一捲白線織到底。過去須種苧麻樹取其纖維，現在則直接在商店購買。

慶典：只在大船下水典禮、房屋落成典禮及族裡原有的大慶典、飛魚慶典等時候才穿，此類為織過且較新的丁字褲。

平時：如探親、休閒活動、聚會等，此類通常是指織過且較舊的丁字褲。

工作：此類丁字褲通常是一般布料做的。